

弹指词

[清]顾贞观 撰

清乾隆四十九年

积书岩刻本

乾隆甲辰重鐫

彈指詞

積書巖藏版

彈指詞卷上目錄

臨江仙 一調

生查子 一調

昭君怨 一調

雙雙燕 一調

青玉案 一調

浣溪沙 二調

傳言玉女 一調

掃地花 一調

柳梢青 一調

春光好 一調

歸國遙 一調

函堂春 一調

南鄉子 二調

定風波 一調

一絡索 一調

望海潮 一調

鳳凰臺上憶吹簫 一調

菩薩蠻 七調

眼兒嬌 二調

師師令 一調

戚氏 一調

天仙子 一調

望江南 四調

青衫濕 一調

八聲甘州 一調

金縷曲 十三調

步蟾宮 一調

喜鶯遷 一調

采桑子 二調

望梅 一調

剪湘雲 一調

河瀆神 一調

醉花陰 一調

偷聲木蘭花 一調

念奴嬌一調

摸魚兒一調

虞美人六調

一剪梅一調

賀新涼一調

江神子一調

燭影搖紅一調

萬年歡一調

蘇幕遮一調

鷓鴣天一調

沁園春一調

感皇恩一調

御街行一調

醉江月一調

風馬兒一調

玲瓏四犯一調

蘭陵王一調

驀山溪一調

卷上

目

木蘭花慢一調

紅影一調

疎簾淡月一調

七娘子一調

清平樂一調

浪淘沙一調

千秋歲一調

金人捧玉盤一調

石州慢一調

聲聲令一調

御帶花一調

滿江紅四調

感恩多一調

南柯子一調

河傳一調

金菊對芙蓉一調

玉燭新一調

瀟江月一調

唐多令 一調

殢人嬌 一調

謁金門 一調

孤雁兒 一調

瑣窗寒 一調

添字浣溪沙 一調

踏莎行 一調

南浦 一調

柳初新一調

渙家傲 一調

滿庭芳 一調

玉漏遲 一調

離亭燕 一調

鵲踏枝 一調

百字令 一調

彈指詞卷上

錫山顧貞觀著 男開陸 孫鍾珣校錄

臨江仙

曾是上清携手處
迢遙笙鶴遺音
水如環珮月
如襟幔
亭人杳歸路已難尋
莫倚君身仙骨
在曉霜明鏡
駸駸碧天雲
海約投簪
舊歡新別
回首兩沉吟

生查子

欹枕背屏山
鏡掩燈明滅
香穗弱難扶
一寸金

卷上

蠶蠶 抱影欲成眠
翠被寒疑裂
雙筍鞞紅凌
半落聞簷鐵

昭君怨

殘雪板橋歸路
的的玉人風度
擁袖障輕寒
恣他看
聞道管遊如昨
添個洗紅池閣
掩冉壓
墻花是誰家

雙覆燕

本意用史梅溪韻

單衣小立正
秋雨槐花鬢
絲吹冷鏡函
如水長
憶畫眉人並
殘葉暗飄金
井問燕子
歸期未定

傷心社日辭巢不是隔年雙影 香徑芹泥猶
潤只一縷紅絲誤他嬌俊幾多恩怨絮徹杏梁
煙暝傳語別來安穩待二十四番風信那時重
試清狂肯放雕闌獨凭

青玉案

天然一幘荆關畫誰打藁斜陽下歷歷水殘山
剩也亂鴉千點落鴻孤咽中有漁樵話 登臨
我亦悲秋者向蔓草平原淚盈把自古有情終
不化青娥塚上東風野火燒出鴛鴦瓦

卷上

二

浣溪沙

不是圖中是夢中非花非霧隔簾櫳窄衫低髻
篋相同 清脆鈴聲簷鴿夜悠颺燈影紙鳶風
此時攜手月溟濛

又梅

物外幽情世外姿凍雲深護最高枝小樓風月
獨醒時 一片冷香惟有夢十分清瘦更無詩
待他移影說相思

傳言玉女

上元

今夕何年偏覺漏喧人醉星球高揭是星娥手
綴千樹寶華寧讓六宮翦綵幽歡剛趁密傳詩
謎 走過紅橋第三條忽復會踏歌聲裏聽搔
頭玉墜明月暗塵攬入暖香寒翠為伊耽閣梅
花清睡

掃地花

十六夜陰寒坐卧小樓茫茫百端
不覺為之悽咽

攤爐人倦向煮雪聲中坐愁愁坐巡簷數朶為
丁寧玉笛莫教吹破酷愛高寒紙帳一番清課
肯閒過不律隄糜那禁慵墮 舊約何曾果在
徒倚朱樓迷藏香徑延緣畫舸正離寬欲接斷
烟橫鎖怕夢醒時盱殺滿城燈火問誰箇掩紗
窓更愁於我

柳梢青

花朝春分

乍展芭蕉欲眠楊柳微謝櫻桃誰把春光平分
一半最惜今朝 花前倍覺無憀任冷落珠鈿
翠翹趁取春光還留一半莫負今朝

春光好

上巳

風漸暖雨初晴似朝醒手招蕙葉雙箭注銀餅

繡得紅羅織窄其如嬾踏青青待擘澄心堂
紙做蘭亭

歸國遙

呼女伴鬪草鬪花輪日換相約羅衣同澣畧嫌
天氣暖 幾摺纜開筠扇莫教題便滿空却迴
文一半有人親落款

畫堂春

湔裙獨上小漁磯鞞羅微濺春泥一篙生綠盡
橋低昨夜前溪 回首棟花風急催歸暮雨霏
霏撲天香絮擁淒迷南北東西

南鄉子

繡榻近來閒似整如歌欲卸鬢自把毛詩教小
鳳關關鸚鵡偷傳喚阿蠻 湘管淚痕斑擲罷
金錢弄玉環身似離交中斷也單單欲展雙眉
又拆難

又

春事悔嗟陀啼鳩啼鶉盡已過又是炎天行不
得哥哥鵲語分明喚渡河 且莫唱離歌勉共

花陰醉叵羅不信君愁別一石多多攪入香醪
下燕麼

又

隻影妒雙棲落盡梁間燕子泥待到東南新月
上煙低無奈疏窓只向西珍重語柔荑能得
樓頭幾度携曾是別來相望處淒迷草暗天涯
柳暗堤

定風波

只覺微詞分外尖計疎容易惹猜嫌
蟾子故懸絲網待無奈落花飛絮一時黏
冷處越須防妍眼重見那回風格定矜嚴
正是背人成獨語爾汝又誰偷覩水晶簾

一絡索

推枕依然似昨鬢香雲尚欲擡雙眼
尚曹騰記夢語無端錯何處一聲催覺
曉鶯簾幙眠時親手繫花鈴又徹夜風吹薄

望海潮

和嚴蓀友照黛詞

山圍擁髻樓開照黛儘容生老柔鄉一抹愁煙

三分夢雨頻來好處淒涼何許最難忘向埽看
才子訴與何妨生怕添愁只言陳事莫思量
是誰分付成雙記深盟淺諾弄玉騎羊退粉翎
寒傾心葉重曾教費盡端詳待譜就新妝怕不
堪持贈翠珮明璫真帖誰傳為伊臨箇十三行
鳳凰臺上憶吹簫

潤逼琴絲膩勻戕粉困人終日靄靄似春眠未
覺宿醉相兼一種無憀心緒誰還理舊素新縑
愁來也玉肌生粟悄覺寒嚴 鱣鱣何曾比目

卷上

六

向百尺竿頭斷送枯鮎想當初崖蜜知為誰甜
挑取羅巾袖口將往字細齧重搨拚狼藉墨痕
清淚小印紅鈴

菩薩蠻

亂紅新碧陰如幙夾羅初換單綃薄曲檻沸春
聲捲簾無數鶯 花叢雙蛺蝶顫向釵叢貼和
笑弄青梅是伊親摘來

又

楚江纔有明珠寄秦樓又惹羅襦繫的的比雙

南雙棲分也甘 歡多愁轉劇兩地尋春約帆
影落平蕪依然范蠡湖

又

隔花誰撼金鈴索東風無賴拳珠箔小膽不成
歡麝衾空晝寒 嬌多搯腕怯薄暈偎雙頰半
餉費矜持贈君千日思

又

頗黎枕滑春雲卸殘紅猶自明蘭地好夢覺來
疑歸時說與伊 微霜吹玉貌何處停征棹相

卷上

隔只吳關曲屏無限山

又

南音至接所寄桂花忽忽成夢

夜深叢桂飄香雪有人私語憑肩立莫倚玉闌
干人間風露寒 殘妝猶在臂小別千年矣密
約誓他生此生無那情

又

小名

聞呼菡萏渾嬌小芳名已換芙蓉早欲摘奈荷
香絲牽蕊恨長 並房紅粉瘦待雪同心藕相
意復相蓮蓮心萋萋圓

又 迴文

暮煙空碧縈花霧
霧花縈碧空
煙暮來去莫教
催催教莫去來
影踈侵夢冷冷
夢侵踈影留
醉倚香篝
篝香倚醉留

眼兒嬌

手捲湘簾雨乍收
雙燕小紅樓
釀花天氣護花
心性一樣溫柔
知他底事長無語
鈿帶縛篋
篋箇中須解寒
應勝暖春不如秋

又

卷上

綺語無端障已深
贏得誤知音
前身莫在掃花
壇上敝帚千金
自從織女回車路
惜別到於
今閒情慧業一時
分付好費沉吟

師師令 題襟

冰綃霧縠稱楚宮
纖玉稱心花樣稱
身裁教抹
作水雲微綠
淡淡海棠紅
一簇配雪蕉橫幅
麝臍龍腦猶嫌俗
畧薰些沉速藕絲
風颭五銖
輕都不似塵
凡妝束別繡寶
爛金縷
感供如來
金粟

戚氏 二喬觀兵書圖是吳北宮畫

十三篇咎曾斷送兩嬋娟何意孫吳却將韜畧
授釵鈿嫣然恰隨肩象牀交倚麝襟聯雙珠巧
合雙璧更無相妒有相憐聞道江上舳艫銜尾
共驚狂虜投鞭待同心僭箸密商帷幄迅掃弋
鋌 妝罷對展芸編蠟丸封就侍女不教宣量
珠做鴛鴦陣裏聚米山川正軍前露布催草簪
花腕弱應自怯如椽擬開屏障試撚霜毫寫箇
赤壁飛煙 銅雀愁深鎖宓妃蕭颯坐老芝田

卷上

九

爭似伊家姊妹恁流離却得好姻緣看他既美

姿顏兼精音樂

吳志策美姿顏瑜精音樂

夫婿人爭羨只英

雄兒女都難戀定霸業追想齊年

二人同年生

倩誰

憑阿堵重傳向丹青枕手且閒眠忽西風緊紅
衣卸落並蒂池蓮

天仙子

密密濛濛春幾許斜陽忽送廉纖雨柳煙深鎖
怯憑闌千萬縷飄輕絮薄倖不歸雙燕語

望江南

江南好燕子乍來時屢喚不應挑笋約欲成還
改護蘭詩風日助相思

又

江南好清簾坐瀟湘梅雨生憎調黛濕麥秋偏
愛洗頭涼小立焙茶香

又

江南好秋水晚平橋千頃綠沉菱葉雨十分香
散藕花潮人倚木蘭橈

又

卷上

十

江南好寒掩小窓紗積雪紅垂天竹子微泉碧
注水仙芽幽事屬誰家

青衫濕

玉蘭堂下新陰薄輕暖復輕寒繡牀開也燕泥
晨落移近闌干日遲人嬾青梅豆溼紫蔗漿
寒別來生受些兒供養也當加餐

八聲甘州

端午

恁喧闐那得怨寬酬羅綺照中流問誰乘片舸
筆牀硯匣冷處夷猶別是沅湘風味都不混葵

榴獨向煙波外占取清秋 當日芙蓉湖上正
水嬉初散杜牧空留忽催歸暮雨小泊近朱樓
最難忘風燈零亂乍隔船驚見幾回頭傷離緒
綵絲千結囑付親收

金縷曲

秋暮登雨花臺

此恨君知否問何年香消南國美人黃土結綺
新妝者未竟莫報諸軍飛渡待領畧傾城一顧
若使金甌常怕缺縱繁華千載成虛負瓊樹曲
倩誰譜 重來庾信哀難訴是耶非烏衣朱雀
舊時門戶如此江山劉換得才子幾篇詞賦吊
不盡人間今古試上雨花臺上望但寒煙衰草
秋無數聽嘹唳雁行度

又

丙午生日自壽

馬齒加長矣向天公投牋試問生余何意不信
懶殘今芋後富貴如斯而已惶愧煞男兒墮地
三十成名身已老况悠悠此日還如寄驚伏櫪
壯心起 直須姑妄言之耳會遭逢致君事了
拂衣歸里手散黃金歌舞就購盡異書名士累

公等他年謚議班范文章虞褚筆為微臣奉勅
書碑記槐影落酒醒未

又吳庶寧七十索詞書以壽之

曠達如君幾幾曾誇烏衣列戟向來門第咫尺
樊籠偏謝却裹足軟紅塵裏應自信籌之熟矣
惟有閒身消受得第二泉如鏡山如綺拚歲月
此中寄 人生適意為佳耳莫空過持螯時節
聽鸚天氣茶局縱橫紗帽側一笑紛紛聞螳那
更覓叅同真契辛苦還丹兼辟穀總輸君獨悟

卷上

三

長生理看玉樹繞堦起

又 秋水軒詞一韻累百皆淮南樵李二公
與都亭諸搢紳韋布唱酬名作適承遠
寄聊復效顰和徐方虎燈下菊影

四壁秋花卷問誰為柴桑寫照俗塵俱遣天與
高寒風格在簌簌清霜欲泫背素障光浮魚鱗
隨例玉盤承露冷傲慈息一抹紗籠淺和雁字
碧空展 斜規隙月看逾顯錯教人圖成沒骨
粉圓脂扁餐盡落英聊解佩舐掌何愁啖犬只
妒影蘭膏未免接得芙蓉城主牒許衆香北面

吾今與更位置燭奴翦

又 仲冬望後二日壽龔芝翁年伯

霽月光風卷恰佳辰陽回黍谷禁寒都遣坐煖

芙蓉三十二 公齋以三十二芙蓉石得名 那覺一條冰泫親

領裏吳牋蜀繭風雅友朋俱性命算萬間廣廈

歡猶淺孤掌在快重展 先皇歎息才名

顯墨淋漓堪收閣榻堪題禁扁鳳闕何妨容虎

卧莫問淮南雞犬 相者謂公虎項 吐握慣積勞難免覽

揆正宜膺宅揆往欽哉咨汝夔龍典看綠綬稱

卷上

十三

身翦

又 紀槃子微君話舊有感

阜帽緇塵卷任相猜杜陵野老傷心頓遣倦眼

摩挲雙鬢望鉛淚銅鑿偷法輦轂下一窩如繭

乘興偶然迷出處泛虛舟試狎蓬萊淺供醉吐

錦茵展 身終隱矣那須顯數昇平白門標榜

紛紛濶扁及至時危鈎黨密磨鳳併遭鷹犬羨

此際冥鴻獨免閱盡宮鄰金虎局更何人痛哭

三朝典 芝翁曾為余說此事 天寶話舌頻翦

又

奉懷柏鄉魏相國時暫假歸里

黃閣仍開卷只敷陳平生四字曇眸盡遣江左
風流歸冀北霖雨九垓春
泫看賜甕十圍金繭

公自度曲名

國士無雙親下拜問感恩知己誰

深淺先世澤藉公展

公重刻先
端文劄記

副封白去經

綸顯小延英逾時伏對懷中鷄扁太保只今推

坐論西旅徒然貢犬真異數朝叅暫免所喜

聖朝無闕事且閒刪雅頌兼謨典重補袞五

雲翦

卷上

十四

又

和汪蛟門同舍納姬

五夜青綾卷帶餘寒却偎燕玉凌兢頓遣起傍

鏡奩看制草銀沫御牋微法沉水炷博山分繭

鳳閣乍翻新樣出埽宮黃八字看兒淺剗一笑

旅愁展異香莫為更衣顯避人看紫磨纏臂

連宵壓扁傳語當關辭剝啄睡熟金鈴小犬諒

酒債尋常今免十五壚頭誇識字乞簪花價倍

鷓裘典怪惱亂韋腸翦

怪字用燕中市語

又

寄吳伯成喜龍光塔工告竣

案積如山卷儘從容手書耳受移時散遣暇即

携觴無召客玉版銀鈎光法頻倒屣莫辭重繭

為續鸞絃酌鳳髓便以膠接漆情還淺騰尺木

素懷展尺木堂名九龍七級龍光顯憶登高攀蘿

直上指揮輪扁下視桑麻成世界聽徹雲中吠

犬料四牡馳驅不免若過棠陰須少憩採風謠

正屬輶軒典時已久擢大行留贈答素毫翦

又坐周雪客兄弟送連堂感櫟園先生舊事

宦橐書千卷好樓居看山讀書讀書公樓名煙雲消

卷上 十五

遣造物惟將清福忌不管西州悲法憶縞紵遠

投柵繭昨歲梁鴻溪上過謝登堂拜母交非淺

今古誼一時展公才遍歷崎嶇顯却重圍笑

談矢石射烏題扁公在閩有射鳥樓記事午夜九闔爭叩

額散斥鴃狺獒犬都不怪希遷數免四字出權

文集序偏喜學陶初願遂整芸籤悉付琳瑯典碩

果盡痛難翦

又和芝翁題影梅軒詞

舊雨西風捲便重經天荒地老此情難遣賸粉

遺香留得在兩袖三生紅法誰擘破同心珍繭
分付鮫人和淚織一絲絲扣入冰花淺來世作
臂紗展非耶立望全身顯太愁予千看峰蹙
雙鬢雲扁縞夜梨覓看似雪吹影心忪粵犬思
與怨而今勾免夢裏錦鞵歡分薄上頭釵判向
生前典緣不了莫輕翦

又

和閨怨嚴孫友鄰黎者並客燕臺即以寄之

無語湘簾卷肯輸他画梁雙宿封侯悔遣紅雨
立殘清露滑繡雀一幫泥法早餒就吳宮八繭

卷上

十六

悄向護花鈴索下聽黃鸝罵徹春陰淺容易得
遠山展遊踪似託韶華顯鬪輕狂謝娘絮薄
沈郎錢扁何處芳叢爭挾彈橫過新豐雞犬趁
買笑鄉愁告免不記臨行針線密綠楊絲繫馬
青衫典休乞句帶重翦

又

梁藥亭解元屬賦紫竹夫人因有所訂

心共香苞卷卸啼妝却施檀暈湘娥恨遣直拂
芸輝綃帳薄雲母篔紋波法新粉撲羅浮蝶繭
說與桐花羞待鳳雪衣寒水月毫光淺窓影在

个人展 兔園傍柳名偷顯刻琅玕詞填玉茗
簫圓釵扁搔背何須春笋樣一笑麻姑鞭犬換
翠袖昭容不免占住夜郎終幾節讓扶南暫作
扶餘典佞滿頭火籠剪

步蟾宮

閏六月七夕

玉纖暗數佳期近已到也忽生幽恨恨無端添
葉與青梧倒減却黃楊一寸 天公定亦憐嬌
俊念兒女經年愁損早收回溽暑換清商翻借
作蘭秋重閨

卷上

七

喜遷鶯

惟期遠近試說向乘槎倩傳幽恨萼綠潛携蘭
香窈約妒殺人間風韻添上青桐一葉減却黃
楊一寸誰同病有淒涼月姊廣寒重暈 何損
虛猜道解事天公垂老偏難問繡被經年機絲
匝月到底銀河渡穩寄語多情烏鵲且莫作炎
威準待暗裏把些時倒扣算他秋閨

采桑子

分明抹麗開時候琴靜東廂天樣紅墻只隔花

枝不隔香 檀痕約枕雙心字 睡損鴛鴦孤負
新涼澹月踈櫺夢一場

又

秋來看盡星河也只是孤眠多謝嬋娟再放山
樓一夕圓 牀頭澗響渾疑雨滴破蒼煙小字
香箋伴過泠泠徹夜泉

望梅 中秋

月中秋半正金波委地絳霄層捲唱可哀空憶
人間記一曲賓雲桂亭雙幔碧海青天料今夜

卷上

六

夜涼應倦又無言村杵有淚邊笳不情鄰管

追思十年遊伴歎吳山煙冷廣陵潮滿把清光
比似元宵問姮娥肯放花燈輕換瓜果前頭小
刻個結璘香案怕珮聲釵影俱逐曉風零亂

翦湘雲

秋海棠葉底多紅紋偶從山中見
得一種葉上下純綠正面尤生翠
可愛花復耐久因移植書閣為製
此詞

瘦却勝煙嬌偏宜雨傍窺宋壙陰目斷初遇別
是幽情脂粉外那得紅絲輕許繫天涯歸夢綠
羅裙添兩眉愁聚 誰念補屋牽蘿賣珠回去

正袖薄天寒風韻淒楚小蹙凌波鉛淚滴翦破
湘雲一縷向西窓密約美人蕉和影兒私語

河瀆神

密約水神祠辨香心事誰知繡襦同上小名兒
一雙親系千支 蕭蕭暮雨芙蓉黑越江猶認
行跡潮沒蘚碑三尺怨魂應始消得

醉花陰

重九

歸雁一聲相識舊嫩橘和霜剖風景入秋悲側
側新寒况是秋深後 知道明年還健否且醉

卷上

十九

黃花酒休說不須開倘為看花憶著離人瘦

偷聲木蘭花

平分一片蕉陰綠相對妾身原似玉細雨歸帆
臨別啼珠忽滿衫 斷鴻雙鯉曾無便驚喜竹
西廊下見記否檀奴衣袖當時水墨圖

念奴嬌

冷清清地便逢歡也則不情不緒况是宵長孤
枕側挨得幾番秋雨蘭炷微沉桃笙半疊送盡
爐煙縷香濃醉薄此愁何減羈旅 不過絮斷

柔腸亂蛩枉却費許多言語二十五聲清漏永
儘殷滴殘雙筍翠濕雲鬟涼侵玉腕那復催砧
杵由他夢醒別來和夢難據

摸魚兒

芍藥簡蓀友

幾多情春歸莫訴下堦親剪紅藥短檠孤影愁
相對教伴綺窓斟酌花睡著護一點檀心不受
東風謔明朝梳掠看鏡裏芳姿阿誰較勝傳語
問青雀 瓊肌削似比柔枝更弱半開仍鎖銀
鑰絳綃曾挹經年淚和露封來灼灼休忘却休
忘却年時茅屋空山約從教零落待粉蕊全刪
寶華同證此意儘商畧

虞美人

盤螭約指雙花隱翡翠研宮粉贈來條脫感真
妃莫是興寧六月語楊義 金軀忽似金甌缺
手挽初弦月倦遊踪跡幾更名好句玉環纖印
記他生

又

內家結束莊嚴相不是慵來樣水晶簾捲半開

時正好炷香親較晚唐詩 鴛緘忽接郎邊信
為道歡期準寄聲青翰早飛回約共紫藤花下
送春歸

又 蜀茶

燒燈時節傳柑宴青粉墻西見個人偷眼隔窓
紗映出月中根葉雪中花 分明玉茗堂深處
小立垂垂樹問名猶喚內家真一點荔枝飛騎
笑紅塵

又 佛手柑

卷上

廿一

額黃染甲宮鴉皺書法誇筋瘦憑將背癢試麻
姑且結蓮臺真印禮南無 色香兼味都超絕
彈指霏輕雪玉纖頻屈數將歸按透斷紋如齧
十三徽

又

煖風遲日烘微醉催上櫻桃會翠娥招手滿船
招看殺帽簷歌側月城橋 勻圓細數盛妝合
待解相如渴丁寧莫受蔗漿寒薄暮來嘗勝雪
小龍團

又

霜寒玉指吹簫歌倚斷秦樓月掃着才子浣花
人不道當時金粟本前身 迷藏曲徑鈎衣戲
似夢猶堪記儘留顏色待君憐心字香焦重理
一絲烟

一剪梅

自撥湘絃按紫檀曲向誰彈淚向誰彈蜀茶花
底小紅欄去為誰難住為誰難 不施梅額墜
雙鬢春也闌珊人也闌珊相思空覓駐顏丹伊
也摧殘儂也摧殘

賀新涼

用辛稼軒韻代別

愁向清輝說黯將離冰紈却扇香羅替葛不覺
涼颼吹茉莉回首紗幮似雪得幾度為君簪髮
行矣天邊風露冷漢時關偏隔秦時月幽怨重
寫瑤瑟 情知又是經年別轉難忘憑肩密誓
長生鈿合此意雙星應鑒取好耐寒侵肌骨恩
不甚怕成輕絕 楚辭思不來日征帆休便挂聽
殘更軟語鎔心鐵銀漢影夜分裂

江神子

柔鄉無計得徘徊
首重回
眼重回
願逐飛花和
夢遶妝臺
呵手為卿添翠黛
愁一蹙
暫時開
狂踪頻問
只佯推
莫相猜
試相猜
驗取心香燒
透不成
灰
蓮葉裁帆
絲繫紵風便也
藕船來

燭影搖紅

立春

負却韶光十年眼
冷花叢裏
玉笙寒徹
夢驚回
著處東風矣
猶是當時春意
漸病酒懷人天氣
樊川愁寂
繞榻茶烟
鬢絲吹起
殘雪無多
莫

卷上

三

教容易成流水
瓊瑤留伴
落梅魂共作
冰壺貯
再入茅堂
燕子應問我
別來何似
君看池畔
照影婆娑
樹猶如此

萬年歡

人日用史梅溪韻

小綴珠璣
玉搔頭觸
簾散點晴雪
幾箭紅蘭
恰共水仙俱發
為約檀心磬口
和瘦影伴成三絕
湘屏掩
整整斜斜
一般冷淡香骨
蕭郎俊遊
未歇
乍傳柑時候
又擬輕別
打疊離情
待賞新年
節物挑菜幽期近也
試換取練裙文鞵臨妝

鏡拂了蛾兒月中早見春月

蘇幕遮

玉爐香誰與共旖旎烟絲吹出羅幃縫雙鬢怯
翻寒鬢鬆纔話分攜已做天涯夢 醒時衾還
獨擁約畧離亭人遠雞聲送別是五更愁一種
冷透心窩自恠無端痛

鷓鴣天

往事驚心碧玉簫燕猜鶯妒可憐嬌風波亭下
鴛鴦牒惶恐灘頭烏鵲橋 寒恨葉摘情條舊

卷上

四

時看眼舊時腰可能還對西窗月狼籍桐花帶
夢飄

沁園春

粉堞烏啼紅橋雁齒昔日亭臺記墮釵聲裡頻
呼小玉鈎簾影畔替摘青梅感絕多情雙燕語
道三歲棲香人未回心期在休教結子辜負重
來 歡娛總隨流水尚依然位置沒點塵埃只
淒涼禪榻茶烟空颺飄零酒社蠟淚成堆一種
幽情春草句怕清夢池塘有劫灰長陪著舊雕

欄玉砌花落宮槐

感皇恩

閨閣爭傳捧貼黃九重新雨露潤蓮幫錦鞦初
學內家粧今而後啓予足孟家光 按拍鳳頭
香儘春愁穩載莫輕颺一鈎纖窄待重量驚鴻
影凌波襪誤陳王

御街行

承恩結束辭南內油壁擁芳塵碎綠熊茵貼紫
貂裘香滿一身珠翠玉驄軟彩鸞偷傍不覺

卷上

廿五

珊瑚陸 花叢著眼驚姚魏誰管領霓裳隊祇
應清夜奉宸遊七寶裝成行綴錦帆天子疎狂
魂魄空索瓊花醉

酹江月

楚天舊雨恠新來幻作冷雲殘雪珍重流鶯傳
語道憐取長條休折帶綰同心絲纏續命一寸
腸千結那能此際眼看真箇離別 繞則唱罷
驪駒蘭舟待解早催歸親切君便承恩儂易老
須記瓣香星月范蠡湖頭梁鴻宅畔準擬成三

絕臨歧試問歡期在甚時節

風馬兒

遶闌幽澗乍泠泠又雨一聲聲漏一聲聲兩處
閒眠那夜不同聽更更病眸纔展訝青青是
燈一星星螢一星星偏到薄幃單枕最分明生
生

玲瓏四犯

用史梅溪韻代送

萬斛閒愁問小艇如梭能載多少鳳去臺空俊
賞昔遊重到請解半刻離襟暫領畧布帆清曉

卷上

共

看無言事去江山有淚春歸花草客中最易
添悽惋便登臨莫傷懷抱願將身作秦樓月移
共秦淮照此意重感殷勤判寂寂廣寒人笑倩
舊時王謝堂前燕子訴伊知道

蘭陵王

江行用史梅溪韻

片帆側斜倚輕衫雪色凝眸倦清鏡窈然隱約
仙娥泛寒碧霜林淚絲織翻作春紅靚飾空濛
外多少遠山猶是青螺黛痕積移時共蘭鷁
正乍展香襟旋散瑤席佩珠許傍宮腰摘更瑞

錦分繫寶釵親囑行波戕字莫漫濕附蘋末吹
入岑寂又如昔向洛渚遺塵步韞重鳧鴛鴦
飛去頭俱白奈踏浪難穩鄣風無力水雲天遠
只此意怎忘得

驀山溪

庚子秋題長干水榭

多情長願投老秦淮住華髮縱歸來怕不似少
年羈旅橫江酌月才魄怨銷沉歌伴侶邀商女
一曲青衫雨青溪祠宇沒個迎神嫗弱柳繫
興亾尚拂面六朝煙縷無窮金粉都逐去來潮

卷上

廿七

桃葉渡梅根渚遺恨今何許

木蘭花慢

憶家山似畫寒食後麗人行並纜繫垂楊寒簾
却扇細語閒評縱橫竹爐茶椀也當他斗酒聽
啼鶯記得半塘烟柳昔年曾竚狂生泠泠歸
夢寄泉聲和醉擁傾城看袖拂烏絲裙揮白練
薄負才情丁寧莫催雙漿待月明清露下秦箏
彈到秋江一曲為誰紅淚飄零

紅影

有命從他薄無才倚佛憐聽小娃親切私語曲
屏邊乍閒情教掠髮更密意試憑肩好減却繡
工夫同理十三絃 偶經挑笋處剛值鬪茶天
泥人何事新來不似從前料多應提起斷腸消
息今番惆悵對花眠

疎簾淡月

沈腰纖細正芙蓉初日露搖珠碎別是天工剪
付一雙秋水丁寧莫作紅樓醉怕情多易添憔悴
曲終人杳數峯江上喚湘靈起 但回首綺

卷上

六

羅叢裡幾曾留得舊香新翠老去風情終古可
憐身世知卿未解閒愁味倚清歌猶滯巴里停
樽如夢願携璧月照他無寐

七娘子

小屏風上山無數就中只問西江路拍點孤舟
水村烟渡還愁夢裡行來誤 一程程遞相思
舖一更更漏離魂鼓說向天涯今宵最苦怕伊
憔悴還休訴

清平樂

書任城店壁壁上多明季公車名
士留題之作屢經塗抹不復可認

因採其字句連綴為詞

短衣孤劍舊識新豐店看壓小槽香漱澀醉洗
玉船紅釀 早鶯送客登車依微月射銀沙馬
上續成春夢墻頭笑擲桃花

浪淘沙

客陽邱暮聞絃索同丁葯園賦

判謝却韶華細雨梨花女郎山下夢還家六曲
屏欹三徑掩不似天涯 庭樹欲棲鷓鴣漸暝窗
紗四絃何處撥琵琶拍遍伊涼驚入破颯颯風
沙

卷上

廿九

千秋歲

宿王舍店衝寒憊甚知有王阮亭和女郎題壁詩不及問也

一鞭誰共剛有愁迎送乘倦解青絲鞚霜威侵
酒琰霧氣穿衣縫生戀著黃茅野店雞聲夢

燭淚無端湧三市驚棲動想此際釵頭鳳語吞
鸚鵡喋浴顫鴛鴦凍魂別也曉風殘月免珍重

金人捧露盤

大明湖暗田紫綸進士時未就廷對翩翩如二十許人云

將以秋月南遊索詞為贈後問其同榜李季霖知田與余皆生丁丑自顧形穢一歎而已

冠春闈遊春苑醉春觴帽簷斜花影悠颺玉河

飛騎似聞爭說李東陽阻風中酒如余者老大
徒傷 羨韶年乘逸興登虎阜下錢塘待重沾
桂子荷香休教看殺風流京兆漢田郎歸來學
個看兒畫別樣纖長

石州慢

御河為漕艘所阻

一月長河奈阻崎嶇玉京猶隔滿身風露夜寒
誰問扣舷孤客不如歸去從教錦纜牙樯釣絲
莫負秋江碧何事訪支機悔乘槎踪跡 淒絕
無端閱遍戰壘遺屯郵亭敗壁只得幾行官柳

似曾相識琵琶響斷那須月落回船曲終始下
青衫滴曉鏡待重看有霜華堪織

聲聲令

松陵吳漢槎夫人出關令妹昭質以孤孀遠送芝麓龔公盛稱為縞

綦義烈因賦此詞并寄漢槎

香牋晚壘翠黛朝鸞燕霜那忽點雲鬢伯勞飛
燕禁骨月恁摧殘盼九天為妾賜環 甚日生
還酒泉郡玉門關燕領小妹上書難麻衣似雪
淚潛潛背人彈本意兒身作木蘭

時尊府君蒙恩免戍竟以

夏
卒

御帶花

屢從西華門過金釐玉竦二橋馬上口占

梳妝臺下捫碑字金碧依然天半龍舟寂寞信
波翻太液藕花長滿知否憑高無限意幾增悽
惋傳呼急平明騎馬值紫宸班換 指點重瞳
親御處飛閣千層彩虹雙轉朱顏頻改都不是
尋常意中庭院飄泊青衫隨例屬天家拘管憶
二十年前慧業侍玉皇香案

滿江紅

甲辰七夕後一日

陸見

曙色天街衣半濕露華涼沁何處是雙星一水

卷上

三

碧空遙浸夾道紗籠趁畫省幾枝銀箭傳清禁
賦春城批敕與韓翃題宮錦 初日耀龍墀蔭
梁魚鱗冷向 御爐烟裏瞻 天無任只
覺上清塵土絕那知玉宇高寒甚料孤眠正憶
早朝人欹山枕

又 中秋直院

鳳紙中宵親捧出 九天珠玉只少個添香侍
史對燃官燭絳節高隨銀漢轉紅簷不定金波
浴乍因風吹得到人間霓裳曲 叢桂樹家山

綠歸夢好殘更促又宮壺滴罷曉鐘相續蓬勃
鵲爐三殿敞撲琅魚鑰千門肅量 聖朝無
闕更無人青蒲伏

又 書鵲紅集後

愛酒能詩記舊日踈狂風調曾相識星前擲果
紫衣年少匹馬衫輕愁獨往雙鸞鏡掩虛同笑
又誰銜錦字帝城飛三青鳥 憑寄語歸期杳
剛又被無情惱奈玉容難駐緇塵易老露葉如
啼楊柳陌霜華欲被芙蓉沼悵丹青都是夢中

卷上

三

看今番覺

又 題安蒼崖行樂園

一拂翛然差堪伴凌雲逸翮聽澗響泠泠幽瀉
俗塵都息晏坐聊為風月主縱遊時作湖山客
裊清暉何事轉沉吟追疇昔 爭染翰西林席
看睹墅南林屐數君家勝賞會應重得須信人
生行樂耳殘年暮景宜珍惜共蒼崖更結歲寒
交松千尺

感恩多

卸頭燈影背坐擁鴛衾待待聽歸騎聲已三更
猶自辨香親炷禮雙星禮雙星莫遣秋河一
番風浪生

南柯子

為某小侯題照

選勝輕裝出分行小隊齊珠鞭闌過鳳城西一
字沿流同解錦韜泥 玉爪看調鶻花冠簇聞
雞應弦斜拂柳圈低薄醉歸來纖手個人攜

河傳

送友人南還

顛顛經歲封侯何益漫教夫婿道歸須及落花

卷上

三

前果然得人心可憐 看間一粟黃紋小歡應
到勝接回鸞誥說相思知未知遲遲索他歸夢
詩

金菊對芙蓉

至夜

早換新衣遲添弱綫且教同坐更闌乍繞簷冰
箸夏碎琅玕今宵海樣蓮花漏聽兜家數盡悲
歡燕臺夢杳似伊清瘦可耐嚴寒 雙魚昨寄
平安道夜深風雪正直金鑿想頰呵凍墨絳蠟
纔乾平明又復催趨走只空陪綵仗千官口脂

面藥幾時宜賜分餉孤鸞

玉燭新 除夜

百愁今夜掃試熨展雙蛾依然歡笑吟成繡譜
都刪却悔把韶光誤了擁爐清况差不減沉香
庭燎巡簷罷冷蕊猶含莫被竹聲催覺 商量
欲頌椒花看獸炭頻添麝煤輕爆個中冷暖憑
殘漏傳與玉京人道未曾三十明日明年年少
判沉醉兩處無眠五更春好

瀘江月 寄滿願

卷上

五

記寒宵攜手一籬新月三徑微霜臂綃乍惜殷
紅減平生意百劫難忘為我飄蓬由他飛絮惡
風吹墮何方燕臺尺素猶自祝勝常怪啼痕濕
透香囊心知從此別但寄聲珍重莫更思量蜀
道如天侯門似海陌頭容易盼蕭郎除非是星
軺捧節便出瀘江 縱然金屋深藏清笳拍遍
料依舊情傷側身西望貂褕贈雙魚杳不上瞿
塘邛笮煙迷洋河瘴合夢魂可到家鄉烏衣門
巷別後總淒涼又誰過昔日幽窗掃眉安鏡處

任泥翻燕壘蜜浣蜂房黃菊休開紫薇空老見
伊枝葉幾回腸歸來也重逢滿願所願纔償

唐多令

雙淚滴花叢一身驚斷送儘當年剩月零風虛
把玉顏臨鏡也渾不似舊時紅 戕粉研芙蓉
金窠小篆封恨書回忒殺凶凶別有心情難寄
與憑說向欲歸鴻

帶人嬌

答同年嚴覽民間余近况

帳掩梅花一炷水沉烟小宛轉薄衾香不了堆

卷上

三五

宵亂葉聽西風橫掃纔病起禁得夜深清覺
喔喔荒雞啞啞宿鳥明日事又縈懷抱輸他痛
飲把餘寒生拗判醉也能抵獨眠多少

謁金門

三十矣彈指韶光能幾梵課村妝從此始心期
成逝水 那少真珠百琲遲却紅絲一繫得壻
今生應似子斯言猶在耳

孤雁兒

照黛閣藤花

西來爽氣衝簾過映檻外花千朵綠天深護好

樓居葢粉莫教彈破芸輝乍暖紫綫垂遍看帳
裏瑤英卧 流蘇百結飄還墮蝶亂處鶯梢妥
十圍溜雨剩霜皮猶帶六朝煙鎖莊嚴便是珠
纓寶絡稱設慈雲座 閣為西山楊氏家園第一
勝處有紫藤數株絡石凌
霄覆滿如幄不計其為何代物也

瑣窗寒 前題初本

簾捲西山水犀斜押燕泥晨澗濃陰覆滿葢粉
綠天彈破憶初時葢寇重含春歸不覺檀心頗
佻芸輝堂靜紫綫微揭帳垂人卧 婀娜粧成

卷上

庚

後訝鏡裏虬髯橫窺梳裏玉龍遺蛻猶是六朝
煙鎖舊長生鈿合難尋阿環宛在雙藤左供莊
嚴寶絡珠纓誰設慈雲座

添字浣溪沙 姚灣杏

淡淡胭脂薄薄綃水邊分得日邊嬌七十二峯
螺黛影上花梢 望逐晴波浮絳雪行沾暮雨

暈紅潮誰與石仙相對賞有山樵 湖邊山下居
民無不種杏

者而姚灣尤盛傍崖有兩石仙衣冠甚偉過者
肅然起敬山樵余自署云

踏莎行 鵝湖菱茨

穉澀全消勻圓競熟同時二妙秋湖曲阿環繞
譜荔枝香采蘋休却珍珠斛 蘭漿遲歸摘酣
冰玉水仙風味宜新浴相思一夕渚煙深短袂
無恙萼絲綠

吾鄉菱芡惟出此湖者可敵松陵
他處並遠不逮

夾城春晚待重尋遺跡訪嬌娃踏遍尋常巷陌
邂逅女郎花不改昭容雙袖只生憎蜂蝶掩籬
筵願從今喚作苧蘿村裏一種舊桑麻 追憶
藥欄多麗左家香何必讓姚家猶似煙籠沉麝

卷上 七

拂曙點檀霞

牡丹左紫並美姚黃
烟籠紫亦牡丹名

和露摘來簪

髻九雛釵璀璨映盤鴟莫碎研紫粉臂綃潛換

守宮砂

莊在夾城世傳鴟夷入五湖時居此向
以牡丹得名今所見者玫瑰而已

柳初新

水仙祠下柳

南朝一片傷心雨總被垂楊畱住水村山郭紅
橋倚遍極目亂飄金縷能有春情幾許怕重來
撲天飛絮 當日別離無據知他可憶長亭語
狂蹤約畧酒醒殘月多在亂鶯啼處添得倚風
凝佇念天涯有人羈旅

柳陰一長板橋紅關
浪咫尺西定極烟水

迷之致惜無人解唱雨霖鈴問明朝酒醒何處
耳

漁家傲 許溪桃

曲水平橋通宛轉船頭響細春潮淺小泊村扉
爭吠犬人不見落紅如織漁罾眼 橘刺藤梢
隨徑剪游絲醉拂東風軟薄暮酒旗青一展衫
袖捲數錢曾識當壚面 溪甚曲橋甚低泛小舫
行村落間如在畫中滿
溪花片自清明至四月不絕

滿庭芳 東亭桂

徑敞深秋輪安滿月綠陰長對清圓金泥衫冷

卷上

三

颯沓委金鈿五夜粉靄不絕涼如水勝挾飛仙
乘風去蕊珠宮闕能得幾回眠 當年攜伴侶
小山沉醉闋韻分箋縱閒愁吹墮不到航船欲
覓狂歡舊夢知誰在曲閣闌邊憑記取生香真
色寫照屬黃荃 東亭為華學士子潛別墅有東
西兩園西岑華堂最勝後歸上
谷花時每與衣澹蓉濱暨邳黎者諸兄弟觴詠
其中

玉漏遲 藕蕩蓮

片帆無恙否湖光開鏡晚烟低沒折戟沉沙中
有小喬香骨一夜凌波喚起又欲語盈盈倍浩

秋水濶蒹葭玉樹總嫌唐突
新來著個漁人
縱棹解菱絲綠蓑慵脫滿目愁予管領斷橋風
月載去亂頭粗服鎮相對澹妝濃抹凝佇切今
生為他消渴

離亭燕前題改本

煙水晚來空闊望處白鷗飛沒折戟沉沙磨不
盡中有小喬香骨誰喚起凌波欲語亭亭似活
釣罷綠蓑慵脫禁底畫橈輕撥粗服亂頭相
對處絕稱淡妝濃抹俗累此全遺翻恐為伊消

卷上

三九

渴地近楊湖暑月香甚其旁為埽蕩營蓋元明
間水戰處也蓀友往來湖上因號藕蕩漁人

鵲踏枝顧山山茶

花覆七樓紅十里遍數東南此樹曾無比碧海
扶桑差可擬綠雲稠疊丹霞綺歎息唐昌遺

玉蕊奕葉蟠根今日能留幾一宿祇園懷帝子

夢魂何處空煙水山當無錫江陰常熟三縣之
界上有古觀音院山茶一株

傳為梁昭明太子手植首句載虞山志明嘉隆
間樹朽萌葉復生今猶未及其半也

百字令

朝來雪塞衙衙口東草場東第七
條即與伴花人相對處也

天涯絮語分明對夜雪蓬窗相共十疊鸞箋千

斛酒不覺漏聲寒凍繡被濃熏羅幃獨掩各自
耽幽夢冰壺心冷起居千萬珍重 回念書閣
淒清澹煙和月正梅花香動一自伴花人遠別
空挂綠毛幺鳳妙解迴紋清談步障並是多愁
種
凍霜搗盡玉漿應許親送

彈指詞卷下目錄

六朝歌頭一調

減字木蘭花三調

愁倚闌令一調

風流子一調

醉春風一調

清平樂一調

菩薩蠻七調

滿江紅二調

一剪梅一調

更漏子一調

胡搗練一調

東風第一枝一調

洞庭春色一調

望海潮一調

采桑子四調

真珠簾一調

卷下

目一

虞美人影一調

小重山五調

昭君怨一調

御街行一調

踏莎美人五調

續斷令一調

好事近一調

如夢令二調

鵲橋仙一調

滿庭芳一調

南鄉子二調

酷相思一調

百字令五調

杏花天一調

朝中措一調

南柯子四調

解佩令一調

浪淘沙二調

荷葉杯 一調

賀新涼 一調

氏州第一 一調

沁園春 三調

青玉案 一調

憶秦娥 一調

夜行船 一調

春夏兩相期 一調

點絳脣 二調

烏夜啼 一調

訴衷情 一調

水龍吟 五調

驀山溪 一調

字字雙 一調

浣溪沙 六調

酒泉子 一調

定西番 一調

金蕉葉 一調

卷下

目

錦纏道 一調

夜遊宮 一調

蘇幕遮 一調

戀情深 一調

眼兒嬌 一調

梅影 一調

水調歌頭 一調

鵲踏枝 一調

卜算子 一調

滿江紅 一調

虞美人 二調

金縷曲 五調

一斛珠 一調

雨中花 一調

臺城路 一調

青玉案 一調

鳳凰臺上憶吹簫 一調
金明池 一調

雙紅豆 一調

木蘭花慢 一調

臨江仙 二調

一叢花 一調

桃源憶故人 一調

大江東去 一調

彈指詞卷下

錫山顧貞觀著 男開陸 孫鍾珣校錄

六朝歌頭

丁未九月扈駕東巡偕行者王純嘏陸義山張南溟諸同舍各為詩文以記一時之盛余得七言絕句六十首刻成附識其後

翠華東指秋獮及秋成臣珥筆書 綸綍 詔

從行備西清輦路重修處漁陽道盧龍塞孤竹

國榆關驛幾回經一字圍場分合三十萬鐵騎

無聲快風毛雨血夢澤起神鷹傍 駕惟聽角

弓鳴 每前驅罷方陣結開帳殿設層城視列

卷下

宿皆環拱 帝車星乍傳更趣理銀臺奏霜威

重硯初冰紅本下黃封出已參橫敬答 兩

宮馳問回鑿早先報 慈寧媿垂堂入疏諫

獵只虛名碌碌長卿

減字木蘭花

隨圍至灤州曉霧失道從數騎行偏涼汀良久霧散橫山之秀灤河之清自入燕以來所未見也碑勒金城郝瑩望海潮詞有回首望長安帝子攀號處清淚闌珊之語蓋國初郝以臺使者巡行至此感賦山有故經峯高司馬園亭

波光似練峽東飛流看似箭直下滄溟一綫猶

能十里清 繡衣持斧却憶鼎湖揮淚雨誰賣
盧龍別業逍遙寄此中

又 宿南館陶是夕有夢不記

西風又起水驛更長人倦矣繡被香空一夕濃
熏是夢中 鄉心久斷欲寄鄉書天樣遠為問
汀蘆有箇南歸宿雁無

又 題吳水仙画

冰綃一剪露朶煙絲俱活現誰傍花陰倒卧收
香共命禽 仙娥如画素影亭亭招不下再世

卷下

二

齊奴消得真珠十斛無

愁倚闌令 昌平道中

雲霧冪水濺濺草如煙行近十三陵下路敢揮
鞭 細柳新蒲乍綠玉魚金盃依然一騎捧香
寒食日憶當年

風流子

辛亥春月告歸得請途次寄閩百
詩自此不復夢入春明矣

十年纔一覺東華夢依舊五雲高憶雉尾春移
催吟芍藥螭頭晚直待賜櫻桃 天顏近帳
前分玉肥鞍側委珠袍罷獵歸來遠山當鏡承

恩捧出疊雪揮毫 宋家墻東畔窺閑麗枉白
暮暮朝朝身逐宮溝片葉已怯波濤况愛閨多
病鄉心易逐阻風中酒浪跡難招判共美人香
草零落江皋

醉春風

臨洛客舍

禁漏蓮花碎玉堂清似水而今荒店聽雞鳴醉
醉醉月淡藜牀煙低土銼一番憔悴 向壁餘
燈穗照人孤影背不如夢也不逢歡睡睡爭
忍寒更教他濕盡冷紅殘翠

卷下

三

清平樂

薄暮上懷柔城望紅螺山一帶舊
邊墻也

煙光上了天淡孤鴻小一派角聲聽漸杳吹冷
西風殘照 平安火映譙樓旌旗半卷城頭寫
入屏山幾曲鄉心歷亂邊愁

菩薩蠻

湖樓宴罷和夏鹵均韻

樺煙一抹輕綃護脂香暗覺杯行互狂捉縷金
鞦問郎真醉耶 銀箏連夜雪柱冷湘絃折紅
豆數來多曲終人奈何

又

和興菌次

鑪邊促席圍銀蠟蘭舟準待明朝發坐到五更
鐘忽然歸思慵六么催未歇故故飛觴急休
却眼前杯玉人容易來

又 柳江曉發

行雲翠濕寒難曉水仙夜上芙蓉老山枕酒醒
時雁回人未知客程那得住打鼓開船去去
逐鯉魚風歸期尺素中

又 榕城客舍啖荔枝

果然仙品如圖譜晶瑩尚濕楓亭露映徹玉壺

卷下

四

冰守宮紗一層碧桃爭比得鶴頂真珠液好

在宋家香剛逢十八娘

宋家香十八娘皆荔枝名品

又 晦夜端州道中

蒼梧水落羚羊峽危檣欲渡愁雲壓腸斷嶺猿
鳴南來第一聲上灘爭宿處月黑聞人語不
辨戍樓煙維舟江那邊

又 送當如弟入秦時客臨汾

秋空倚劍人何處羈心遠挂咸陽樹隴水咽殘
星黃河西畔行幾多鄉淚滴一夜關山笛誰

按小伊州清霜入鬢流

又 早發星軺驛是太行山絕頂處

山城半夜催金拆酒醒孤館燈花落窗白一聲
鷄枕函聞馬嘶 門前烏桤樹霜月迷行處遙
憶獨眠人曉寒驚夢頻

滿江紅 和毛會侯汴梁懷古

何必江南堪痛哭六朝遺蹟只此地曾經纒遍
銅駝荆棘高浪已摧臨鏡堞平沙盡沒藏書壁
漫憑高歷歷數滄桑空霑臆 朱仙鎮陳橋驛

卷下

五

相望處城南北只幽蘭軒遠燼灰難覓且醉金
梁橋上月休尋萼綠堂前石捲西風片葉忽飛

來迎秋笛

迎秋汴中亭名余行時囑會侯重建
信陵君祠擬他年再過夷門特賦一

詞拜辭未敢草草

又 留別諸昆從

燕子重來還認得烏衣舊里渾不改風流江左
清華門地社酒晚歸娛父老花燈夜賞饒佳麗
看涇流如帶束膠峯長如礪 頻作客鄉心繫
十載夢青縑被又蘭堦池草差強人意笑我仍

今藜閣火輸他便縱瓊林轡向五雲多處盼金
泥添新喜

一剪梅

一道銀牆界粉真宋玉東鄰阮籍西鄰好花如
霧看難親鏡裏分身畫裏全身收拾風光卧
錦茵病消前春病酒今春劇憐鶯語太殷勤昨
日歸人明日離人

更漏子

續殘香留好夢鴛瓦不銷霜重千里月五更寒
此情持問歡闌干角蛛絲絡誰解護花鈴索
乘宿醉看梳頭年時還記不

胡搗練

問瘡

便瓊花也怎和他二十四番風戰瘦影上窗微
閃欲語憐嬌喘霎時淒凜霎時焦渾似卽心
多變一鬼可容相見教露鮮妝靨

東風第一枝

用史梅溪韻

麥浪翻晴柳烟吹暮可憐時候新暖攀來暗綠
嫌深折去殘紅怨淺東風著意為留得幾絲香

軟笑雙雙掠水銜泥辛苦舊巢歸燕 費多少
斜陽送眼容易得遠山迎面肯將佩冷江皋博
箇宴酣花苑夢闌酒醒早減却春痕一綫問五
湖他日扁舟可似苧蘿相見

洞庭春色

上卷沁園春改本

樓鎖歲華橋通宛轉昔日亭臺記墜釵聲裏頻
呼小玉鈎簾影畔替摘青毒感絕多情雙燕語
道三歲看花人未回心期在且休教結子辜負
重來 無端綠陰遍也那復向舊處徘徊只淒

卷下

七

涼禪榻茶烟空颺糝糊鏡檻蠟淚成堆一種幽
尋春草句怕清夢池塘有劫灰長陪著舊雕闌
玉砌零落宮槐

望海潮

青煙散後綠雲重綰今來欲見何緣每約花時
共聽鶯處將歸幾度留連冰玉語空傳信書生
薄命自古而然誰遣剛風無端吹折到青蓮
品題真負當年倩淚痕和酒滴醒長眠香令還
家粉郎依舊知他一笑幽泉慧業定生天怕柔

腸俠骨難忘人間莫更多情湯勞天上堊神仙
采桑子

仙姿合受塵凡垢蜚語心驚不是無情怕是情
多轉誤卿何如莫約簫臺鳳惟伴籠鸚繡戶
長扃對念如來般若經

又 示道侶

玉爐火候溫溫也煉就飛霞結就丹砂一夜華
池靜月華春深景物還多麗映雪黃芽並蒂
金花持過南園姹女家

卷下

八

又

不知誰唱秋江曲喚起離鴻西去孤蓬心逐江
流却向東佩珠欲解蘅皋冷莫采芙蓉滿鏡
愁紅寂寞憐卿別後同

又

遙天欲暝重回首不是燕山却是吳山几點烟
縈幾翠鬟登臨已改雙蓬鬢繞度邊關又度
江關心逐飛鴻一昔還

真珠簾

櫻桃宴罷人歸後，正煙籠澹月，疎窗如畫。紅藥
闌邊當日新，携素手、睡起微聞。花歎息，似記得
星星密咒，依舊對、漂香泊粉。幾枝春瘦，別久
心期，輕負為深。憐痛惜，越添傷憊。十載綺羅情
付，昨宵殘酒，誰道酒醒都是恨。只剗地，曉風楊
柳，知否古今來一例，斷腸回首。

虞美人影

消得幾行清淚，雨一片冷雲飛去。且共離魂語，
留他伴過沉煙縷。倚遍回廊，都不是、不是夢。

卷下

九

兒行處，畢竟春難住。斷腸花落相思樹。

小重山

周亦庵山樓宴集夜看搶燈

捲盡歸雲瘦，碧空微涼吹不斷。白蘋風亂，烟殘
靄有無中，驚回首。五十六燈紅，火齊散。遙峰
山靈須遣護，絳紗籠倚樓高詠。此時同分携處，
冷落一江楓。

又

吳伯成明府招宴雲起樓屬用前韻即席贈胡璞崖簡討

視草頻催鎖院空，九天珠玉冷。任隨風夢，回人
在御香中。依然是，藜火夜深紅。相望隔江

峰秣陵秋正好一鞭籠舊遊邀笛倩誰同君行
矣留醉語青楓

又 贈楊鄂州職方

玉節天南照遠空使槎輕萬里舊乘風晴川草
色醉吟中君恩在肯拂賜衣紅青翰數
青峰晚涼添繡被麝熏籠竹鑪清響暫時同催
歸也人瘦楚天楓

又 贈宮百朋大叅

北海華樽酒不空笑譚傾四座快哉風點蒼金

卷下

十

碧卧遊中情應寄天半落霞紅留詠最高峰
待將雙袖拂映紗籠即開山徑許相同城南路
綠野傲丹楓

又 蠟梅花底感舊

春到愁魔待厭讓試東風第一道家妝蠟丸偷
寄紫瓊霜檀心展凭付與檀郎金磬歛花房
相逢應只在水仙旁色香空盡轉難忘人何處
沉痛覓姚黃

昭君怨 夜宿翠華庵為西山承恩寺下院

真個而今親試月白霜濃蕭寺佛閣夢雙凭第
三層何處銀鉸素綆暗入遠鐘疎磬一滴下
楊枝乍醒時

御街行

落花人獨立微雨燕雙飛二語可
取作主客因晏小山向以入詞杜
紫綸頃以入西漫因題照并及寫懷

才華杜曲知名早看即起明光草旗亭絕唱擁
三姝合領裊昇平年少偏生謝却五陵裘馬別
展開襟抱湘波窳地無塵到隨意把芸香較
一泓如水鑑菱寒獨自個與誰同笑祇應吟對

卷下

十一

杏花春雨暗憶江南好

踏莎美人

再集吳伯成聽梧軒借方邵村
秦對巖諸君賦

齋閣香泉巖扉火樹秋來總是相思處扶輪承
蓋許重招為遣西飛一雁促歸橈酒喫煙霄
筆揮風雨金華殿上聞高語羨君才思湧江潮
顛顛如余應愧舊題橋

又六橋詞今刪其二

渺渺風帆淒淒煙樹望中便是儂行處羈魂別
後若相招分付採菱歌畔木蘭橈翠被濃香

青簾細雨依然坐對篷窗語雙魚好託夜來潮
此信拆看應傍畫眉橋橋在平望俗傳西翁鳥
過其下即不能巧轉舟
人至此必携以登陸云

又

濕翠群山柔絲幾樹當年傾國曾來處前溪溪
畔是誰招覓個藕花叢裡暫停橈 煙靄橫空
露華如雨催歸却訝舟人語西南風緊上輕潮
待得月明同倚水仙橋

又

吹落瑤華折殘瓊樹魂兮可憶相逢處枕濤亭
下舊曾招笑指冰船飛渡勝蓮橈 痛結沉雲
病踈行雨鴛鴦小字三生語夢偎紅頰暈微潮
猶似雪天雙騎玉河橋枕濤亭在正陽門外西
響水橋

又

瑟鼓青峰歌翻絳樹無言忽到分襟處韞羅冰
盡手頻招安得千層鐵鎖截輕橈 醉纈凝酥
啼珠凍雨曉鐘時節圍爐語離情欲寄浙江潮
其奈客程偏指墜釵橋

續斷令

萬紅友出所製藥名藏頭詞視余輒戲為之

斷虹兼雨夢當歸身世等閒蕉鹿角枕涼生冰
簞滑石鼎聲中幽獨活火泉甘松濤嫩乳香候
龍團熟地偏叢桂枝陰又吐叢菊花時約過
柴桑白衣寒蚤休負深盃綠青鏡流光看逝水
銀漢漂殘落木爪蔓連錢草蟲吟細辛苦驚髀
肉從容烏兔絲絲短髮難續

好事近

彈指絕思惟喚出婢娟三昧雙鎖金針誰會笑

卷下

十三

拖泥裙帶乍拈仍放合歡花一段風流在擊
竹聲前粉碎學香嚴下拜

如夢令

寶鴨乍辭衾鳳喚起膽餅花凍懊惱十年情不
抵五更霜重如夢如夢落月香車誰送

又

顛倒鏡鸞釵鳳纖手玉臺呵凍惜別儘俄延也
只一聲珍重如夢如夢傳語曉寒休送

鵲橋仙

用吳藥師韻

淚粘春住香吹夢醒捉起舊時根節
西船絲柳綺窗花整一幅斷腸圖揭
彩雲易散銀河難渡青鬢莫教催
雪來生慧業恐生天又負却人
間風月

滿庭芳

用蔡友古韻

別院收燈空樓倚笛穿花漏點分明
飄來蘭麝驀忽見雲英借與人間
風月瑤臺路特地逢迎冰輪滿無
端吹暈直是妒娉婷相攜尋舊約
玉顏絲髮種種堪驚只幾番離合
斷送多情欲問飛瓊伴侶塵根在
枉費丁寧游仙去一行清淚為子
誤三生

南鄉子

來詞我亦悲吟痛哭人余謂歌字正不必避依韻答之

芳訊屬東鄰格外相憐分外親
記否枇杷花下見前身共是悲歌
痛哭人無計與傳神小像沉香只
暗薰料得有情應喚徹真真珠玉
為心以奉君

又 擣衣

嘹唳夜瀉驚葉滿階除欲二更一
派西風吹不

斷秋聲中有深閨萬里情
片石冷於冰兩袖
霜華旋欲凝今夜戍樓歸夢裡
分明織手頻呵
帶月迎

酷相思

竟日東風吹細雨吹不轉天涯絮
便倚盡長亭
多少樹春去也人難住人去也春難住
池館
依然行樂處何事耽羈旅
待相見重傾離別緒
人歸也春無語春歸也人無語

百字令

荆溪雨泊用史梅溪韻留別陳其年史蝶庵諸同學

卷下

十五

花前髮影被東風吹上一絲絲
白算只浮家堪
位置第一飄零詞客果擲迷香鞭
遺軟繡彈指
成遙隔茶煙篷底看炊蟹眼如雪
錯道舊雨
無情佳時却恁誤了鶯和蝶
僕本多愁消不起
罨畫溪山風月蝦籠箏船蛟橋酒幔
麗景從消
歇津亭回首嫩條誰與同折

又

宿針魚崙

幾行歸雁共征帆
落向暮煙叢裡野戍潮平
霜葉下簇簇蒹葭深艤酒旆微青
漁燈乍黑未散

沙洲市當壚一笑滿頭黃菊旖旎 又是急鼓
頻催低篷欲掩轉淒迷鄉思誰與孤眠欹枕說
妾夢不離江水慈姥灘寒望夫磯暝相對針魚
鬢斷魂今夜風鬟雨鬢千里

又

西梁山過長年所居湯書其壁

遠天秋淨正西風秔稻江鄉初熟竟日帆移冒
影外卧柳村扉斜轟別浦潮回平磯葉掩籬落
輕鷗宿薄寒吹上春山澹澹凝綠 眼前人麗
如花魚多似米船却高於屋雞犬圖書無恙在

卷下

十六

生事此中粗足煙水攜家五湖雙槩舊約何年
續客遊良苦倦聽商女遺曲

又

甌東苦雨和陸吳州夫子韻

花朝過也問天公那得許多風雨自是春晴無
三日可惜流光難駐蠟屐衝泥褰帷濺瀑厭聽
黃鸝語重來謝客積愁堆滿孤嶼 消受水驛
山程燈昏酒冷夢兒中叨絮兒女心腸英雄淚
抵死偏縈離緒烽火遙連家書間隔漂泊隨鴛
侶芳時斷梗欲歸歸向何處

又

倦遊垂老為東風瘦盡十年花骨翠袖青衫成
間阻久被軟紅埋沒銀葉輕翻寶釵重炷一夜
寒灰活領頭心字篆香渾未消歇 不合湯咏
春城漏殘聽鑰便身羈雙闕買賦百斤還貰酒
誰念文園病渴露却金莖霜留玉杵天迥籃橋
澗箇儂無恙今番携手煙月

杏花天

為劉震修題照

廿年江左知名士羨門第才華如此論交吾亦

卷下

文

空餘子端為吾兄屈指 風流那覺韶光駛一
笑掇人間青紫英雄兒女神仙事種種于君芥
耳

朝中措

蕪関有憶

蘅蕪夢冷惜分襟橘浦餉愁深斷雁西風當日
曉鶯殘月而今 臨邛久客茂陵多病特地關
心天與一般才思不成兩處銷沉

南柯子

慰我兼貧病憐卿隱笑啼小來辛苦怨流離已

是十年鄉信阻藍溪 別母情懷惡將雛氣力
微鏢心憑寄大江西夢裏五更霜月熨朝衣
又

古錦餘香濕春綃積淚殷相思已是不能閒况
復看人憔悴損朱顏 醉淺愁仍結寒深夢却
還輕烟一碧樣雙鬟昨夜家書應過小姑山

又

乍接分釵燕旋邀對鏡鵲袖香餘煖共闌干只
覺被池紅淚不禁寒 玉軫多時約金泥一响

卷下

六

歡桂花濃露好誰看今夜清輝還似憶長安
又

鏡裡看花發門前聽馬嘶杏梁何事有單棲不
見天涯芳信幾回疑 欲剪同心帶還占薄命
詞悄垂簾幕護相思為祝東風休卷綠楊絲

解佩令 小姑山

江濤似雪江花似繡拜娉婷衆山回首一點烟
鬢被日夜西風吹瘦屹冰霜大姑相守 鼓殘
瑤瑟灑殘芳耐趁潮平密祈神佑應笑踈狂向

水國漫尋紅豆夢吳城小龍女否

浪淘沙

潯陽

擁髻燭花偏特地遷延縷金雙枕只空圓昨夜
新霜鴛瓦濕寒到君邊片鐵挂檐前消受無
眠一聲容易破秋煙央及潯陽江上雁莫近離
船

又 佩囊

錦字佩囊盛密意分明任卿卿我我卿卿只向
人前須諱道素昧平生消受得傾城薄福微

卷下

九

名判將憔悴答娉婷不是相思空負却一世才
情

荷葉盃

玉骨為誰消瘦知否端的小兒郎泥人腸斷損
容光點髻怕吳霜曾是得他憐惜何夕別語
更依依淺紅愁結翠蛾低爭忍不思惟

賀新涼

湘潭夜泊

菱鏡秋如許筆牀移疎簾垂下落英無語見說
刀鐮如宿約待結同心双首怕醉裏鄉書難據

看擁孤眠屏山上畫平沙隻雁瀟湘雨從此路
問君去分明江畔維舟處又模糊千重雲水
淡煙濃樹今夜客舍應覺冷睡鴨紅綿親炷料
也憶玫砧霜杵待倩西風將消息一聲聲吹送
蘆花渚君不寐試聽取

氏州第一

荆州贈退將郭智囊郭能高歌
痛飲

生不封侯拂衣垂老尋思舊事悲咽髀肉虛增
鬢絲旋減閒却寶刀如雪射虎歸來晚又送柴
門新月對影婆娑濁醪未舉唾壺先缺多事
陰符親授訣休更羨征西殘碣少日偏疑儒冠
誤我投却書生筆算從前都是錯隨過眼煙雲
起滅何似滄江高眠縱擢洞仙歌徹

沁園春

殘月幽輝宿昔見之豈其夢耶任寒堆一枕鈿
珠零落塵縈半榻箏柱歌斜妾命如斯郎行何
許裙扇留題滿狹邪鱗鴻便莫雙棲正穩忘了
天涯也應遊倦思家料不抵孤眠人歎嗟向
蒼青綾底頻偎煖鴨小紅闌曲遍數昏鴉雪壓

霜欺別來真箇瘦盡中庭萼綠華誰傳語道春
風多厲強飯為佳

又舟次英德遊觀音巖

削翠橫江壁立千尋何年鑿空看霓旌倒掛金
芝湧幢水簾斜拂玉筍成叢小構香臺下臨無
地一瓣蓮花世界中回頭處訝天根月窟怎著
人工相連韶石玲瓏應斷續潮音洞口風有
環留寶座飛來猿峽綃呈金縷捧出鮫宮碧落
雲華曹溪咫尺此岸原將彼岸通驚人句向懸

卷下

廿一

嵯點筆題遍遊踪

碧落雲華皆洞名

又陸義山遊粵納兩妾歸當湖賦贈

團扇風流桃葉桃根殷勤渡江問珠娘嬌小可
禁憐惜壁人依舊肯恣清狂豆蔻仍含檳榔暗
吐不負華年錦瑟旁須還憶舊吹簫伴侶縹緲
相望誰云四海空囊有入洛詩篇使粵裝是
未經霜雪炎洲翡翠却歸烟雨鏡水鴛鴦他日
朝天畫省垂問閣帖更題陸女郎金環在把一
編新語分付青箱

青玉案

端溪下出硯石三種其名汲縵者宋後已竭今忽得之縵細如絲光耀如雪發墨無比因不經見為近日品題之所不及詞以代銘

深深月宵容誰鑿驚喜見純全璞

淮南子其全也純兮若璞

截斷紫雲天一角冰絲娟媚尚如神女細雨含

風絡若教並玉真成珥搏粉凝脂暗中摸汲

古那嫌脩綆弱轆轤雙綰枯槔千轉脩寫臨池

樂

憶秦娥

大庾嶺

雲根擘青天一綫雙崖碧雙崖碧古今多少蘚

卷下

廿二

碑題蹟塞鴻不度鄉書隔紅梅關上思家客

思家客江南魂夢嶺南消息

夜行船

鬱孤臺

為問鬱然孤峙者有誰來雪天月夜五嶺南橫

七閩東距終古江山如畫百感茫茫交集也

憺忘歸夕陽西掛爾許雄心無端客淚一十八

灘流下

春夏兩相期

宿贛閨酒盡不寐

趁西風擣衣聲急江關倦客愁絕何況夜來寒

重和砧也歇荒鷄叫落一天霜獨雁催沉三更
月欲掩殘編祇應無奈酒醒時節 蘆簾此際
悲咽便鞦兒夢好待歸方說頻呵素手剪刀停
對垂紅淚燈花結料不成眠且倚薰籠冷灰重
撥

點絳脣

螺川立春

青鏡流年客中一倍關心早加餐音到入夜燈
花笑 街鼓隆隆已是春來了春知道鑠窗寒
悄有箇人清妙

卷下

三

又

幾日橋南金錢遍買相思卦海棠祠下乞箇尋
歡假 莫倚風流忘了當初話歸來罷寄聲司
馬收拾琴心者

江右有海棠神祠

烏夜啼

蕭蕭落木江空月明中一陣驚寒多少欲棲鴻
人不寐醒還醉倚孤篷今夜滿樓清景與誰

同

訴衷情

已是夜深羅薦展約停箏催解珮休負月華明
軟語莫縱橫輕輕似聞嬌顫聲可憐生

水龍吟

夕佳樓在南昌郡城上向祀元忠臣僕公名僕家樓至明嘉靖中始

用靖節語改今額地與滕王閣相望憑覽高曠似勝於閣而名久為所掩無過而問焉者嗟夫地以文重若無子安一序珠簾盡棟寧至今日又何有於斯樓也雖然以子安之文重何如以僕公之人重余再過章江題長短句於樓壁陳伯璣楊陶雲芝田陸義山梁珠五諸君子依韻戴廢錄呈開府大中丞佑君董公許為付刊增入省誌未幾兵亂不果古今名迹顯晦有數存焉時節因緣不知定在何日耳

卷下

廿四

城頭誰搆飛甍水天襟帶開江郭西山南浦眼
前不讓滕王高閣回首東湖昔賢陳蹟雨籠煙
幕更凭蘭杏靄龍沙迷漫會招取吹笙鶴是
處襜帷祭戟賀生成萬家繡錯滄桑縱改梁園
非故庾樓如昨可惜清暉等閒付與烏啼擊柝
正魚龍偃卧我来長嘯一聲驚覺

又前題

煙江疊嶂參差依然故壘圍層郭忠魂何處一
樽空酌夕陽樓閣半壁崔嵬野棠開遍昔時戎

暮想登埤握節尚留遺恨寄華表歸來鶴 盛
世都無感慨換佳名不妨就錯庚申甲子兩朝
如夢是非今昨元庚申君即順帝淵明自義熙後以甲子紀年我醉欲
眠閒愁消向戍笳城柝只重尋舊侶風流雲散
此情誰覺

又前題

洪厓爽氣西來拍肩除是弘農郭碧城十二關
干只在三層阿閣蕭史埤空綵鸞家近一痕如
幕羨君身仙骨乘風歸去試招取吹笙鶴 白

卷下

十五

玉樓成天半笑王孫嘔心良錯丹霞漫賞蛾眉
依舊虎頭非昨欲鼓雲和慢亭人杳祇餘鈴柝
向章江彈指幾回清淺起予總覺

又

客粵將歸留別李鏡月梁珠五諸同學

憑高有客沾襟蒼茫勝跡空延佇榕陰不斷鷓
鴒飛上越王臺樹香浦魚沉珠江鴈杳花田無
主算由來間氣英雄粉黛一般到銷魂處 喚
起柔情俠骨定相憐客愁孤注韶光正好為誰
擲向蠻煙蠻雨雙鬢扶頭十眷連手欲留難住

任千金散盡只携寶劍陸生歸去

又

王戶曹人岳問余何日北行書此以答并簡院中諸僚友

故園長憶涇臯薄田二頃依東郭也知世上功名只似空中樓閣人說仙郎紫微起草紅蓮參幕奈狂奴故態不禁搔首悔珠樹從棲鶴駒隙年華飛度趁歸來拂衣非錯攤書一枕夢回呼我酒醒疑昨何事頻催天街曉轡禁城寒柝問諸公衮衮鞭絲帽影讓誰先覺

驀山溪

書滕王閣上

卷下

共

朝飛暮捲也覺登臨倦高閣古今情共天涯客愁長滿遙空隱隱極目羨回帆沙路白曉煙青不似江南岫一繩低雁肯放西風斷澹影蘸蘆花向夾蝶圖中吹轉風流帝子魂魄倘歸來翻舊序按新詞鼓入湘靈怨

字字雙閩客話

煙嵐潑翠山復山雪浪捲空灘復灘車船莫縵關復關琴劍羈遊難復難

浣溪沙

乍暖銀塘皺綠波
畫長慵聽鳥聲多
嚼花吹葉一春過
揀盡釵梳渾不是
拋殘絃索擬如何
日來天氣困人麼

又

自別檀奴百事嫌
惱人嬉子下重簷
更無心緒莫開簾
幾日醉醒花盡落
非時冷煖夢相兼
可知誰似去年忺

青齊人呼意所好為忺音險平声今吾鄉亦間作此語

又

曾把芙蓉共晚涼
今來眼底隔瀟湘
酒醒歌枕

卷下

七

好思量 為寫眉圖傳小影
擬燒心字試沉香
兩絲縈斷九回腸

又

唱罷玲瓏一曲歌
江潮微上綠雲坡
此情翻較醒時多
已是欲眠渾未醉
故回覆臉奈他何
誰云無賴只橫波

又 記菌次語

琴酒生來澹蕩人
自宜消渴更長貧
不然孤負遠山春
狗監故能憐犬子
武皇應解妒文君

任他天壤有玉孫

又

知是他生是此生藥闌花榭見卿卿似嫌心眼
太分明料得已難酬宿願欲拋爭奈轉多情
一回私語幾回驚

酒泉子

半刻支頤鏡紅斜暈輕潮歛欲眠仍起味誰諳
似春蠶 襜褕衾鳳壓瑤簪宿妝微卸也一鉤
羅幕倚清酣夢江南

卷下

共

定西番

開鏡雨餘天碧簾波明綃霧濕灌湘蘭 可惜
晚香零亂一池紅藕殘倒影萍間無數夕陽山
金蕉葉

為憐深綠當風睡驚起撲簾蕉影碎新橙試摘
愛他觸手餘香脆半醒又還如醉 鬱金堂下
清秋淚潛滴遍一叢蘭蕙玉籠鸚鵡而今懊惱
前身慧恰與檻鸞成對

錦纏道

查家毒

竇乳微泉長似鏡中清澈清莓苔一枝寒鐵黛
痕點破何年雪向磨崖斲處小勒梅花碣問
官閣丰標綺窗消息肯便著孤山踪跡灞橋歸
去總多情奈暗香疎影不作相思驛

夜遊宮

雨雪空山滋味休認作行雲一例枯木寒藤聊
暫倚願他生得相逢歡喜地折取青蓮比怕
幻出並頭根蒂稽首皈依持準提玉冷寒早香
焦人靜矣

卷下

九

藕幙遮

涇臯菊

早題來三徑裏衣白風流欲傲君王紫標格不
容輕位置根葉生香君與蓮花耳憶涇臯環
帶水斗酒雙螯隨分吾家事却笑柴桑貧處士
蝶粉鴉黃惱亂人如此

涇臯余世居也先君
子中年退隱西疇草堂

歲課兩蒼頭藝菊遠近虞山諸名種畢集吾家
相傳為一時勝事

戀情深

元旦芍藥

誰捧綠雲親侍輦六宮珍艷東風第一試新妝
羨花王幾多金粉簇霓裳春信遞朝陽不似

鈿釵零落倚沉香

眼兒嬌 西興候潮

萬壑千巖一空囊還復涉錢塘何人坐擁樓船
鼓角粉隊戎裝 回看滅沒鼉江氣獨立轉蒼
茫西陵渡口潮頭似雪捲盡興亡

梅影

金較書臨別為余寫照曹秋岳先生
屬賦長調記之是夜積雪堆簷擁爐
沉醉詞成後都不知為何語先生命之
曰梅影因圖中有照水一枝也

好寒天正孤山凍合誰喚覺梅花夢瘦影重傳
自簇桃紋獸炭偎金斗微熨芳牋更未解鸞膠

卷下

三

絳脣呵展綉融雀瓦酥手親研土木形骸爭消
受丹青供養况承他十分著意周旋丁寧說要
全刪粉墨別譜清妍 憑肩端詳到也看側帽
輕衫風韻依然入洛愁餘遊梁倦極可惜逢卿
憔悴不似當年一段心情難寫處分付朦朧澹
月暈秋煙披圖笑我等閒無語人憶誰邊卿知
否離程縱遠只應難忘弄珠垂箔乍浦停船
甚日身閒環窗幽對畫看郎還向畫中圓且緩
却標題留此位置待虎頭癡絕與伊貌出嬋娟

彷彿記脂香浮玉罌翠縷颺珊鞭淡妝濃抹俱
瀟灑莫教輕墮塵緣便眼前阿堵聊供任俠早
心空及第似學安禪較書富纏頭隨手立散某
狀元欲求一笑竟不能得
共命雙棲都原是雪泥鴻爪從今夜省識春風
紙帳眠須信傾域名士相逢自古相憐

水調歌頭

憶昨飲君酒雪意勒寒梅知君酒醒何處已有
暗香來說向離亭風笛莫共霜天曉角撩亂苦
相催留取隔牆影更待玉人回輕帆便雙槳

卷下

卅

急且徘徊遙憐孤鶴中夜有恨立蒼苔自是春
光欲漏準擬花心潛拆分付與多才休負好時
節又作等閒開

鵲踏枝

撲盡流螢花底露消息沉沉銀漢應難渡容易
一來堪再誤樓頭剩有三通鼓何夕能將今
夕補遣鴛為媒翻把青鸞阻悶別蘭膏誰與訴
知他也只和衣卧

滿江紅

六月二十四日亭蘿人張水嬉邀
余為荷花蕩之遊至則殘紅折盡

但見田田數頃而已當筵出絹素索題
乘醉疾書以付歌者

為問煙波是甚日錦帆曾住剛留得綠荷千柄
暗消殘暑翠袖縱憐顛顛客青衫那作繁華主
只江湖載酒記前身重題句聽不盡流鶯語
看乍穩棲鸞樹莫歌闌舞歇綵雲飛去第一難
忘花月夜成覆便結漁樵侶共香香深處短簑
眠天應許

卜算子

脈望不成圓誤食相思字媚草紅心摘更生幾

卷下

三

度仙人死畢竟向優曇證取無生是拈著桐
花認合歡一笑逢梧子

金縷曲

酬容若見贈次原韻

且住為佳耳任相猜馳牋紫閣曳裾朱第不是
世人皆欲殺爭顯憐才真意容易得一人知己
慚媿王孫圖報薄只千金當灑平生淚曾不直
一杯水歌殘擊筑心逾醉憶當年侯生垂老
始逢無忌親在許身猶未得俠烈今生已已但
結託來生休悔俄頃重投膠在漆似舊曾相識

屠沽裏名預籍石函記

附原贈

納蘭成德

德也狂生耳偶然間緇塵京國烏衣門第有酒
惟澆趙州土誰會成生此意不信道竟逢知己
痛飲狂歌俱未老向樽前拭盡英雄淚君不見
月如水與君此夜須沉醉且由他蛾眉謠詠
古今同忌身世悠悠何足問冷笑置之而已尋
思起從頭翻悔一日心期千劫在後身緣恐結
他生裏然諾重君須記

卷下

三

歲丙辰容若年二十有二乃一見即恨識余
之晚閱數日填此曲為余題照極感其意而
私訝他生再結語殊不祥何竟為乙丑五月
之讖也傷哉

又寄吳漢槎寧古塔以詞代書丙辰冬寓
京師千佛寺冰雪中作

季子平安否便歸來平生萬事那堪回首行路
悠悠誰慰藉母老家貧子幼記不起從前杯酒
醺醺擇人應見慣總輸他覆雨翻雲手冰與雪
周旋久淚痕莫滴牛衣透數天涯依然骨肉
幾家能彀比似紅顏多命薄更不如今還有只
絕塞苦寒難受廿載包胥承一諾盼烏頭馬角

終相救置此札兄懷袖

又

我亦飄零久十年來深恩負盡死生師友宿昔
齊名非忝竊只看杜陵窮瘦曾不減夜即僂傴
薄命長辭知己別問人生到此淒涼否千萬恨
為兄剖 兄生辛未吾丁丑共此時冰霜摧折
早哀蒲柳詞賦從今須少作留取心魂相守但
願得河清人壽歸日急繙行成藁把空名料理
傳身後言不盡觀頓首

卷下

世

二詞容若見之為泣下數行曰河梁生別之
詩山陽死友之傳得此而三此事三千六百
日中第當以身任之不俟兄再囑也余曰人
壽几何請以五載為期懇之太傅亦蒙見許
而漢槎果以辛酉入關矣附書志感兼志痛
云

又悼亡

好夢而今已被東風猛教吹斷藥鑪煙氣縱使
傾城還再得宿昔風流盡矣須轉憶半生愁味
十二樓寒雙鬢薄遍人間無此傷心地釵鈿約
悔輕棄 茫茫碧落音誰寄更何年香階剗鞞
夜闌同倚珍重常郎多病後百感消除無計那

只為箇人知己依約竹聲新月下舊江山一片
啼鴉裏雞塞香玉笙起

虞美人

碧桃花隴逢天女驚散花如雨比肩剛配小鴛
鴦留得覆飛趣在儘商量 明明佛頂珠光漾
鑿徹團圓相即行穩奪錦標來好趁回龍堤畔
順風回

又

佛手柑後數詞皆與容若同賦其餘唱和甚多存者寥寥言之隨後

七行寶樹奇香透烏瓜寒來瘦麻姑久悔學仙

卷下

十五

非結個蓮臺真印印皈依 鬱金柘染千重絲

酥乳何曾湟合歡名字更休提乞得兜羅綿樣

許相攜

鬱金印練見法苑珠林如來三十二相好第二手軟如兜羅綿

雨中花 梅

容易幽窗開似雪耐多少五更霜月背地無慘
經年有恨併向花心咽 不如冷雨相摧折料
無分軟紅疼熱玉管誰吹石腸空賦又一番輕
別

一斛珠 鷹

圍塲雪霽錦鞞百隊金纏臂擎來六翮鋒稜異
嬌俊傳者名馬美人裏散花欲下凌霄起郡

君新配儀同矣丹青只認宣和記玉墜盤螭誰

識歷朝璽郡君儀同鷹犬封號元時出內府所藏玉印磨作鷹墜

青玉案 雁字

排空幾陣畱難住寫不盡瀟湘雨託寄音書渾
漫許裴回欲下家雞野鷺那是臨池侶十三
行斲驚鴻去恰上銀箏十三柱絃畔有人揮玉
筋長門月暗一鐙重撲淚墨糝糊處

卷下

共

臺城路 梳妝臺懷古

卷簾依舊西山雨憑高暗添愁思馬上吟成帳

半絃歌遺恨尚留形史分明故址有瑤島瓊花

不隨流水惆悵重尋繡楣金縷廣寒字當年

夢遊曾至素娥須記得天寶遺事三閣傳綫六

宮潤筆少個青蓮應制茫茫對此只銀漢紅墻

望中相似甚處天香夜深飄桂子

鳳凰臺上憶吹簫

一月他鄉一天離緒一秋好景重陽問題糕落

帽何處堪傷多事六朝金粉還留下千古淒涼
無窮恨醉中偷繫玉腕萸囊難忘當年此際
正戲馬高臺危蹕長楊又翻經蕉苑甘露分嘗
丁未是日較獵三河戊其奈近來消渴依然是
申奉名書大藏經序少日遊梁思君極花寒人瘦減盡容光

金明池 茉莉

韻絕迎秋香空却暑抹盡人間多麗正倦起蘭
湯初浴乍散髮未勝簪髻衰清冷灑遍瓊枝便
相將對宿葢珠宮裏早素月流光雪衣眠醒教

卷下

七

念鬢華新偈織女縞妝來下矣伴萼綠無言
殘更小憩書便面曾煩轉乞貯犀合向承分寄
甚仙姿匹得卿卿有玉茗同心紅梳並蒂趁今
夜差涼滿襟風露安穩碧紗幘睡

雙紅豆 柳

風一絲雨一絲不繫行人只繫思喚他楊柳枝
萍是伊絮是伊眼眼看眉生別離章臺無見
期

木蘭花慢 憩孔雀庵其旁為馬湘蘭故居

數鳴珂舊曲誰第一擅歡場有燕骨千金楚魂
九畹姓字餘香秦淮尚流膩粉奈溫柔改署白
雲鄉碎玉一聲何處迢遙銀漢紅墻湘蘭理髮墜一寶釵
徐語侍兒曰久不聞碎玉聲矣散花親許嫁王昌半偈宿緣
償任長板橋頭夜深清唳別是淒涼鄰庵漫題
孔雀更難尋三十六鴛鴦對此莊嚴妙相從他
惱亂愁腸

臨江仙 四月八日

看到笋櫻看浴佛聽鸚如聽頻伽濟尼邀共演

卷下

共

三車閨秀林下邢尹片時偕 簇就輞川圖畫
景法筵巧供清齋背人深祝笑鄰娃碧霞幡底
添對合歡鞵

又 寒柳

向日宮鶯千百轉而今幾點歸鴉西風著意做
繁華飄殘三月絮凍合一江花 自是心情寥
落盡不堪重繫香車永豐西畔即天涯白頭金
縷曲翠黛玉鉤斜

一叢花 並蒂蓮

一篙輕碧衆香浮月艷淡於秋雙成本是無雙
伴漢臯佩知倩誰收浴罷孤鴛背花飛去花外
却回頭合歡消息並蘭舟生未識離愁相憐
相如渾多事料團扇不耐颼颼金粉飄殘野塘
清露各自悔風流

桃源憶故人

容若構一曲房屬藕漁書其
額曰鴛鴦社

千金一刻三春夜轉眼水流花謝已覺都成夢
話只是傷心也分明有恨如何寫判得今生
暫捨還擬他生重借領袖鴛鴦社

卷下

九

大江東去

魏荊州亮采世兄招集黃鶴樓
蔣馭鹿朱悔人華子山諸君同
賦坡公原韻

倚樓清嘯休重問煙閣雲臺何物總似磯頭黃
鶴影瞥眼橫過石壁百戰孫曹一篇崔李數點
鴻泥雪祗應沉醉傲他千古人傑誰道蘭惠
多情一般芳草渡萋萋爭發別有憑闌無限意
不受潮痕磨滅萬里空明年時曾照取鏡中顏
髮等閒孤負第三層上風月

嗚呼容若已矣余何忍復拈長短句乎是日
狂醉憶桑榆墅有三層小樓客若與余昔年

之乘月去梯中夜對談處也因寓此調落句及

卷下

四